



Na osnovu čl. 69. stav (2) tačka d) i 70. Zakona o javnim nabavkama („Službeni glasnik BiH“, br. 39/14 i 59/22) i člana 10. Pravilnika o javnim nabavkama Visokog sudskog i tužilačkog vijeća Bosne i Hercegovine (08-02-2-1826-1/2019 od 14.05.2019. godine), na preporuku Komisije za nabavke od 03.04.2024. godine, direktor Sekretarijata Visokog sudskog i tužilačkog vijeća Bosne i Hercegovine, donosi

O D L U K U **o poništenju postupka**

Član 1.

(Predmet odluke)

Poništava se konkurentski zahtjev nabavke usluga održavanja i servisiranja kancelarijske opreme za potrebe Visokog sudskog i tužilačkog vijeća Bosne i Hercegovine.

Član 2.

(Razlog poništenja)

Predmetni postupak se poništava iz razloga što nijedna od primljenih ponuda nije prihvatljiva.

O b r a z l o ž e n j e

Postupak javne nabavke proveden je putem Konkurentskog zahtjeva za dostavu ponuda. Obavještenje o nabavci objavljeno je na web portalu: <https://www.ejn.gov.ba/>, broj obavještenja: 172-7-2-53-3-35/24 od 08.03.2024. godine. Primljena je ponuda ponuđača C-Servis d.o.o. Sarajevo.

Komisija za nabavke imenovana Rješenjem, broj: 05-16-4-4346-1/23 od 26.12.2023. godine, izvršila je pregled i ocjenu ponuda (Zapisnik o pregledu i ocjeni ponuda i izvještaj o radu Komisije, broj: 05-16-4-1048-9/24 od 03.04.2024. godine (u daljem tekstu: Zapisnik) je u prilogu ove odluke), i utvrdila sljedeće:

Ponuda ponuđača C-Servis d.o.o. Sarajevo se odbacuje jer ponuđač nije ispunio zahtjeve iz Konkurentskog zahtjeva, broj 05-16-4-1048-2/24 od 08.03.2024. godine, a u skladu sa članom 68. stav (4) tačka i) Zakona o javnim nabavkama.

Ugovorni organ je odredbama Konkurentskog zahtjeva zahtijevao sljedeće:

- Tačkom 3.3.2. b) Konkurentskog zahtjeva, original ili kopiju potvrde ovjerene od strane nadležnog organa (sud, notar ili općina) za jedan ili više izvršenih ugovora sa Spiska izvršenih ugovora koji su za predmet imali pružanje usluga servisiranja i održavanja kancelarijske opreme, u posljednje tri godine računajući od datuma objave obavještenja na portalu javnih nabavki (<https://www.ejn.gov.ba/>) ili od datuma registracije, početka poslovanja, ako je registrovan, počeo sa radom prije manje od tri godine, čija vrijednost, odnosno ukupna vrijednost ako se radi o više ugovora, mora biti najmanje 20.000,00 KM bez uključenog PDV-a;

Potvrda/e o uredno izvršenom/im ugovoru/ima, koja/e je/su u vezi sa spiskom izvršenih ugovora o pruženim uslugama, a koja/e mora/ju biti izdate od strane naručioca posla, mora/ju sadržavati sljedeće podatke:

- a) naziv i sjedište ugovornih strana ili privrednih subjekata,
- b) predmet ugovora,
- c) vrijednost ugovora,
- d) vrijeme i mjesto izvršenja ugovora,
- e) navode o uredno izvršenim ugovorima.

Ukoliko je usluga navedena u potvrdi izvršena sa drugom uslugom, uz isporuku robe ili izvođenje radova, u potvrdi se moraju precizirati svi podaci od a. do e. iz prethodnog stava za konkretnu uslugu (servisiranja i održavanja kancelarijske opreme) kojom se dokazuje ispunjavanje uslova tehničke i profesionalne sposobnosti, kako je traženo ovim Zahtjevom.

Ponuđač C-Servis d.o.o. Sarajevo je u svojoj Ponudi, broj: 240313-01/MJ od 13.03.2024. godine (u daljem tekstu: Ponuda) dostavio tri potvrde:

1. Potvrda o uspješno realizovanom ugovoru izdata od strane Ministarstva komunikacija i prometa Bosne i Hercegovine, broj: 04-16-3-2049-13/22 od 30.08.2023. godine **za pružanje usluga print servisa „click charge“**, u periodu 12.08.2021. godine do 17.07.2023. godine u ukupnoj vrijednosti od 121.861,72 KM bez PDV-a – stranica 23. Ponude.
2. Potvrda o uspješno realizovanih šest pojedinačnih ugovora izdata od strane Visokog sudskog i tužilačkog vijeća Bosne i Hercegovine, broj: 04-16-4-121-3/23 od 09.01.2023. godine **za pružanje usluga servisiranja i održavanja kancelarijskih uređaja**, u periodu 08.05.2021. godine do 07.05.2022. godine u ukupnoj vrijednosti od 4.686,15 KM bez PDV-a – stranica 27 Ponude.
3. Potvrda o uspješno realizovanom ugovoru izdata od strane Razvojne banke Federacije Bosne i Hercegovine, broj: 10475-XI/23 od 13.09.2023. godine **za nabavku tonera i ostalog potrošnog materijala za kopir i faks aparate sa uslugama održavanja i servisiranja kopir i faks aparata**, u periodu 12.08.2021. godine do 17.07.2023. godine u ukupnoj vrijednosti od 26.387,00 KM bez PDV-a – stranica 31 Ponude.

Potvrde navedene pod rednim brojem 1. i 3. nisu prihvatljive obzirom da nisu navedene vrijednosti koje se odnose na izvršenje usluga servisiranja i održavanja kancelarijske opreme. Naime, tačkom 3.3.2. b) Konkurentskog zahtjeva je navedeno da ukoliko je usluga navedena u potvrdi izvršena sa drugom uslugom, uz isporuku robe ili izvođenje radova, u potvrdi se moraju precizirati svi podaci od a. do e. iz prethodnog stava za konkretnu uslugu (servisiranja i održavanja kancelarijske opreme) kojom se dokazuje ispunjavanje uslova tehničke i profesionalne sposobnosti, kako je traženo ovim Zahtjevom.

S obzirom da je jedina prihvatljiva Potvrda iz dostavljene Ponude Potvrda broj 2. izdata od strane Visokog sudskog i tužilačkog vijeća Bosne i Hercegovine, broj: 04-16-4-121-3/23 od 09.01.2023. godine, Ponuda ponuđača C-Servis d.o.o. Sarajevo ne ispunjava zahtjeve iz Konkurentskog zahtjeva, te je ocijenjena neprihvatljivom.

U predmetnom postupku zakazana je e-aukcija, u skladu sa Pravilnikom o uslovima korištenja e-aukcije ("Sl. glasnik BiH", broj, 66/16). Budući da nije primljena niti jedna prihvatljiva ponuda, nije bilo moguće provesti e-aukciju, a u skladu sa članom 3. Pravilnika o uslovima korištenja e-aukcije.

Komisija je uputila preporuku direktoru Sekretarijata Visokog sudskog i tužilačkog vijeća Bosne i Hercegovine za donošenje odluke o poništenju postupka.


Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Uredu za razmatranje žalbi Bosne i Hercegovine putem Visokog sudskog i tužilačkog vijeća Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od pet dana od dana prijema ove odluke.

Broj: 05-16-4-1048-10/24

Datum: 08.04.2024. godine


MP
Direktor Sekretarijata
Admir Suljagić

Dostavljeno:

- Ponuđaču,
- Odjelu za finansije i računovodstvo,
- a/a.